

康德八年歲次辛巳

黑山縣志

姜恩之題

黑山縣志序

康德八年夏余于役黑山、適邑紳朱君陟丹、攜縣志全稿來訪、具道創修縣志之經過、並乞爲序、余曰、有是哉、斯固一縣之信史也、爰亟披覽一過、見其提綱挈領、條分縷晰、足酬圓明之眼、俱徵津濟之心、而結構謹嚴、記載翔實、尤爲斯編獨到之處、雖其內容、有應密而反疎、有應詳而未盡、較與其他縣志畧有不同、但因時代之變遷、國體之崇尚、斟酌因時制宜之道、不無顧此失彼之嫌、是作者之用心、亦良苦矣、後之賢達、苟有踵事重修、刪繁補略者、其亦注意及此乎、茲當付梓、謹綴數語、聊以塞責、序文云乎哉。

康德辛巳九月

興城王瑞華識

黑山縣志序

自來州郡之各有其志、所以備史乘所不及、闡幽顯微、昭往以開來也、康熙三年春、余出宰黑山、握篆之始、倣古君子問俗問禁之義、將尋其志書讀之、而吏白以無、當時不無缺望、亦姑置之、厥後涉時既久、徧歷境內山川形勝、留心於民風之醇漓異同、區域之變遷沿革、就友其賢士大夫、日夕散衙、造舍過我者、比比也、而尤以朱紳尙弼、與余過從爲尤密、一日話及縣志、方知其始也、屬稟而未竟、繼也既就、而旋紛失、客言次、若不勝其咨嗟慨嘆者、余曰庸何傷、以公等之淹貫、何患乎其終闕也哉、苟爲不憚煩、余請前驅焉可乎、於是別求通邑聞人宿儒、組縣志編纂委員會、於中擇文藝優嫻、而身鮮世務之累者、五六人、畀以筆政、餘則效奔走、任搜括之勞、（志內當有題名茲不臚列）邑副、千原巖君、東國名士也、聞其事、而美之、願從縣庫、節其不急者

若干數、撥充膏火之資、以商於余、可之、居無何、而朱君尙弼、肯負開館始業之責、已於署之西北側、稅瓦屋兩楹、聖壁清塵、几席茶鑑之屬悉備、蓋已開館、將有事於筆硯間矣、邀余偕往臨視、共諸君子、促坐劇談者竟日、具道余平昔一二管窺相與印證、冀有滄粟之助焉、未幾、余適以轉調齊齊哈爾聞、作治任將行、館務一埤益朱君尙弼、脩辭潤色、則由龐君傑三負之、衆志既翕、事不再舉、期在必濟、相與叮嚀珍重而別、黑山縣志之作、至是始循程而進、而余之與於斯役者、則憂然止息矣、自余之北也、載離寒燠、亘九閱月、鴻稀鯉杳、略無片楮相通、日者、欣得朱君書、謂殺青已畢、將付鉛槧、既自序、而復丐於余、以簡編繁重、不便寄示、要舉志中特色以告、蓋一尙樸點華、龐然紀實之鉅製也、余未覩全豹、不足與彰其美善、閒取朱序讀之、愛其文、古樸雅馴、惟於余、推美過情、斯爲病耳、夫既詔人肆、而攘其功、予獨何心、而能安此、爰追維其始事之狀、表而出之、猶之矯枉存真之意也、且以塞責焉

抑有進者、以余椎魯不文、得綴名篇次、雪泥鴻爪、將與是編而並永、語云、蠅附驥尾、余則有焉、洵中心之所甚、而初未敢妄冀者也。

康德八年三月

瀋陽祁靖黎書於龍沙旅次

黑山縣志序

余昔閱錦州省志、見黑山縣、原列爲三等縣、於康德五年、驟升格爲一等縣、意知其吏治之良、民風之厚、山川之鍾毓、物產之豐阜、必有以異於他縣者、心企而慕之、有日矣、康德八年春、余自敦化、轉宰斯邑、下車伊始、即赴四鄉、觀風問俗、以諮詢其異於他縣者何在、默而識之、以爲行政張本、返署後晤邑紳朱君陟丹、談次、知本縣之升格、由前縣長、祁公靖黎、百政畢舉、地方大治、宜斯縣之列於一等也、余復詢其郅治之譜、朱君出縣志稿示余、並言編纂之顛末、余披覽一過、知斯邦之政治、地理、人文、物產、以及財賦、交通、沿革、歷史、無不詳列於縣志之中、爲政者、苟手斯編以治事、則政在方策、鉅細靡遺、旣得提綱挈領之方、庶免岐路迷津之苦、即謂此志、爲斯邦之治譜也、亦無不可、余來也晚、未得與於斯役、而聿觀厥成、得資借鑑、何幸

如之、茲將付梓、謹抒短引、以弁簡端。

康德八年七月

營口梁學貴書於黑山縣公署

黑山縣志序

黑山、古名鎮遠堡、後名小黑山、於有清光緒二十八年夏、奉令劃分廣寧、（即今北鎮）新民、兩縣土地、而設赫山縣治、旋改鎮安縣、今名黑山縣、方城百里、境多堡壘、類皆歷代防邊遺物、是亦古之邊防也、乃因文獻無徵、山河減色、又兼設治較晚、縣志未修、以致已往事蹟、湮沒不彰、余嘗引以爲憾、夫居今稽古、非都人士之責歟、況居其地、而不知地之人文、物產、政治、地理、與夫歷史沿革者、是文盲也、君子恥之、余雖不文、心以茲事爲重、迭向地方碩學名儒、懇懇編纂縣志者久矣、光緒三十三年冬、部令奉天提學使司、通令各縣、編輯鄉土志、余與王君錫九、王君子服、兩茂材、同承縣尹張公延聘、編輯黑山鄉土志、私意以爲乘此期會、可以兼修縣志矣、卒以格於當時情勢、致不果行、無已、謹按鄉土志、部頒條例、分類調查編輯、不數月、即就


事、而欲編纂縣志之志、終未逮也、嗣余飢趨四方者、二十年竊意邦人君子、對於鄉邦志乘之成就、必有不讓於我者、詎料倦遊歸來、而縣志之無成也、仍如故、時值滿洲建國、百度爲新、康德七年春、縣長祁公靖黎、深以黑山無志咎在有司、且縣志一書、裨於政治禮俗者非淺、烏可缺乎、爰召余、而責以編纂縣志之任、余曰、是吾志也、願受命、復承千原副縣長、撥付鉅款、力助其成、於是組織黑山縣志編纂委員會、由會推舉龐君國士、王君伯賢、魏君光輅、劉君逢源、紀君紹綱、諸先生、分任監修纂修之責、他如縣署科長、金會英、殷長、王瀝訓、屬官、郝讓先、以及街村學校、職教員等、亦各勵其能、分任幹事、校對、繪圖、調查、採訪之勞、以同年四月、設置縣志編查館、開始編纂、至十二月底、全稿告成、需時僅八閱月耳、惟因事屬創作、參考乏書、疎漏之處、知所不免、故復訪求當代文豪、爲之指正、然後付諸梨棗、蓋不敢率爾卸責也、但余回想編輯縣志一事、爲余編輯鄉土志時、議而未行之懸案、迄

今已三十餘年矣、今非祁公、來長斯縣、於撫字之餘、注全力於古今文化事業、則縣志終付闕如也、修志之役、不其難乎、蓋祁公邃國學、專英文、於書無所不窺、故能獨見其大、惜於開館未久、即遷爲齊齊哈爾市長、瀕行、乃將館務一委於余、凡鉅細之事、疑難之點、以及別類分門之整備、發凡起例之謹嚴、靡不指示周詳、期無遺憾、佈置既畢、然後叮嚀珍重而別、余隨蕭規、循程而進、縣志之成、微祁公之力、其孰與歸、至於修詞潤色、縷晰條分、聚多士之菁華、成百年之事業、是皆秉筆諸君之勞、余則總其事務、助其成行、借人之功、償我宿負、而猶得附諸君之末、不亦幸乎、若夫訂訛補略、飾陋刪繁俾成一邑之全書、則尙有待於後之君子也、書成、謹述其顛末如此。

康德八年春

黑山朱尙弼謹識

黑山縣孔廟平面圖





委 員 長
黑 山 縣 長 祁 靖 黎



委 員 長
黑 山 縣 長 齊 鄉